

MUNGU ANA MPANGO NA KUSUDI

Na Jacquelyn Fedor

Ilitafsiriwa Na David Odhiambo

Mwanzo 11:6

6 Bwana akasema, Hakika watu hawa ni taifa moja, na wote wana lugha moja (wote wanafikiri na kuzungumza juu ya kitu kimoja), huu ni mwanzo tu wa yale watakayoyafanya, sasa hakuna chochote wanachopendekeza kufanya (kuamua kati yao kutimiza) kitakachozuiwa kutoka kwao.

(Haikuweza kuwazuia! Walikuwa wameunganishwa kwa uthabiti katika kusudi Tunaweza kuona ni kwa nini Mungu anachukia migawanyiko.)

Bila shaka, Bwana alikuwa akizungumza kuhusu wana wa Nuhu katika andiko hilo hapo juu ambao mipango yao ilikuwa ya uovu, lakini kanuni hiyo hiyo inashikilia ukweli kwa wale wanaotafuta kurudishwa kwa Ufalme wa Mungu leo. Katika umoja kuna nguvu na mamlaka, katika mgawanyiko udhaifu na kushindwa. Ukweli ni kwamba, hapangekuwa na chochote kitakachozuiliwa kutoka kwetu kama tungeweza kuungana kama mwili mmoja na kuwa katika upatanisho wa mpango ulioamriwa na Mungu kwa ajili yetu!

Wana wa Nuhu hata hivyo walikuwa wakitimiza mpango wa Shetani bila kujua kama wanavyokusanyika leo ili kutimiza mambo ambayo si ya

Kimungu au ya Ufalme. Waefeso inatupa kidokezo wakati tutakusanywa katika Kristo na kurejeshwa na vile vile wakati yote haya yangeweza kutokea.

Waefeso 1:9-10

9 akiisha kutujulisha siri ya mapenzi yake, sawasawa na uradhi wake mwema, alioukusudia ndani yake, (mungu alikuwa na mchoro wa akili wa vyote aliviumba kabla ya kuongea neno iliyowadhihirisha kuwa)

10 kwamba katika wakati utimiapo (wakati utimiapo yanamaanisha muda usio na sheria yoyote, sio maalum kwa wakati wowote uliowekwa awali) wa utimilifu wa nyakati (kiasi cha muda ambacho Mungu aliweka kwa Shetani na mwanadamu kuona kwamba hawawezi kuwako mbali naye) Apate kukusanya pamoja vitu vyote (vyote vinavyopatana, kupatana na mapenzi yake) katika Kristo, vilivyo mbinguni na vilivyo duniani chini Yake. (Enzi zote mbili kwa wakati huu zitarejeshwa kwa ufalme wa Mungu na watu wake.)

Luka 12:32 inatuhakikishia hii ndiyo tamani la Baba.

32 “Msiogope, enyi kundi dogo, kwa maana Baba yenu ameona vema kuwapa ule ufalme.

Unaona Mungu awali alituumba ili tuwe na umoja, katika kusawazisha ulimwengu mzima na hapa ndipo tunapaswa kujaribu kurudi! Umoja ni

sehemu kubwa ya ufunguo wa umilele, na urejesho! Hii ndiyo sababu adui anajitahidi kadiri awezavyo kuwagawanya watu wa Mungu kupitia mafundisho ya uongo, madhehebu mbalimbali, chochote anachoweza kufanya ili kuzuia umoja!

1 Wakorintho 1:10 Mtume Paulo alielewa tatizo miaka iliyopita.

10 Ndugu zangu, nawasihi kwa jina la Bwana wetu Yesu Kristo. kwamba ninyi nyote msemi neno moja (kuwa na ukweli mmoja, msukumo, maono moja), **na kwamba pasiwe na mafarakano kati yenu, bali muunganishwe kikamilifu katika nia moja na katika fikra moja.**

Kwa kweli haya hayangekuwa mazingira mazuri ya kuishi!

Kwa jinsi ulimwengu unavyofikiri leo ingawa hii ni ngumu sana kufikia. Hii ni kweli hasa katika kundi la watu wapya nje ya dunia na waliojawa na maarifa ya ulimwengu, au labda bado wanashikamana nayo. Kiburi na majivuno ya Shetani yanaakisiwa katika ujuzi wake na fikra hii kwa bahati mbaya ndiyo hifadhidata ya fikra za watu wake wote! Ni ukweli walio karibu na dunia au watu wake wa karibu watakua na fikra zile zile na wao pia itabidi wawe bora, namba moja, juu, sawa na mungu wao! Hawa hawasongi mbele kwa sababu ni mpango ulioamriwa na Mungu kwa ajili yao, bali wanavutwa na tamaa yao wenyewe.

Unaona, tunapobadilisha maarifa ya ulimwengu kiakili na maarifa ya Mungu mitazamo yetu, tabia zetu, mtazamo wetu juu ya maisha hubadilika. Kwa kadiri tunavyoruhusu badiliko hili litendeke ndivyo tunavyokaribia kuwa katika upatano na sehemu nyingine za Ufalme wa Mungu! Ujuzi wa Mungu ndio unaotuweka huru kutokana na mawazo ya ulimwengu na kubadilisha mwendo wetu ili kupatana na mapenzi ya Mungu.

Hii ndiyo sababu **2 Wathesalonike 2:10-12** inasema,

10 na kwa udanganyifu yote ya udhalimu miongoni mwao hao wanaopotea, (kwa nini waliangamia?) kwa sababu hawakupokea na kuipenda ile ukweli, wapate kuokolewa.

11 Na kwa sababu hii Mungu atawaletea nguvu ya upotevu, ili wauamini uwongo (uwongo, sio lazima kutii sheria ya Mungu, uko sawa, uwongo huo huo aliomwambia Hawa),

12 ili wote wahukumiwe ambao hawakuamini ukweli, bali walikuwa nafuraha katika udhalimu. (Biblia ya Kale ya King James inasema “laaniwe”, yenye nguvu kidogo kuliko kuhukumiwa!)

Unaona tusipotamani ukweli wa Mungu tutarudi nyuma katika fikra za ulimwengu, ni njia. Sote tulilelewa katika maarifa ya ulimwengu na kwa hakika inahisi vizuri na rahisi kurejea tena. Mantiki ya adui itakuwa na maana kabisa kwa akili iliyofunzwa kidunia.

Sasa tuangalie **Warumi 15:5-6**.

5 Basi Mungu wa saburi na faraja na awajalie ninyi kuwa na nia moja miongoni mwenyu (katika umoja), kulingana na Kristo Yesu, (Yeye ni “Neno”, ujuzi wa Mungu. Basi tena nauliza, tunakuwa na nia moja na Mungu au watu wake ikiwa bado tunashikilia akili na maarifa ya ulimwengu?)

6 ili kwa nia moja na kwa kinywa kimoja mtukuze Mungu, Baba wa Bwana wetu Yesu Kristo. (Kuona mambo kwa mtazamo wa kidunia kutasababisha mgawanyiko na Mungu Mwenyewe na kuwaudhi watu wake kila wakati na mbaya zaidi, kutufanya tuenende kinyume na mapenzi ya Mungu.)

Hivyo basi, je, tunaweza kuona kuwa katika kusawazisha na Bwana kunamaanisha kuwa kama Yeye, ndani Yake. picha, kufanya mambo kwa njia yake. Hii inamaanisha kadiri tunavyozidi kunyonya ujuzi wa Mungu, ndivyo tunavyokaribia kuwa katika mfano wa ukweli. Kwa kuwa Yeye ni kweli, njia na uzima, ndivyo tunavyofananishwa Naye ndivyo tunavyopungua kama ulimwengu tulivyo. Tabia na mitazamo yetu itaanza kuakisi mapenzi ya Mungu na Ufalme wake!

Acha nieleze jambo lingine ambalo kwangu linanifurahisha zaidi! Unaona, kila wakati tunapoelewa ukweli au dhana fulani, inatuendelea kama ngozi isiyo ya kawaida! Tunaonekana tofauti katika isiyo ya kawaida, nyepesi, yenye kung'aa! Hivi ndivyo tunavyofananishwa polepole na Neno, kwa

Kweli na kuwa mwili mmoja Naye, aina Yake, aina Yake, kama Yeye!
Kuweza kutambua tofauti hii inakuwa muhimu sana kwetu kwani mwisho wa unakaribia. Unaona, manabii wa uwongo wanatokea ambao wanasikika kuwa wazuri, sahihi kihistoria, wana mantiki kisiasa ambayo wanatumwa na adui kuwapotosha wanadamu. Lakini hatudanganyiki! Ngozi yao sio mkali. Macho yao hayaangazi kwa ukweli wa Mungu kutoka ndani. Kwa ujumla tuna ufahamu wa kuelewa ujumbe wao na matendo yao yote yanahusu mambo ya asili, yenye masuluhisho ya kimwili au ya nafsi. Tunajua majibu yapo katika mambo ya ajabu. Sisi, kulingana na Neno, tunaita vile vitu ambavyo havipo kana kwamba tunajua ushindi wetu unatoka katika mlima wa Mungu, mji wake, serikali yake ambayo macho ya kimwili hayawezi kuona.

Waebrania 12:18, 22 inatuonyesha mlima wa Mungu.

18 Kwa maana hamkuja kwenye mlima unaoweza kuguswa na kuteketezwa kwa moto, penye giza tufani;

22 lakini mmefika kwenye mlima Sayuni (mlima usio wa kawaida) na mji wa Mungu aliye hai (jiji lisilo la kawaida), Yerusalemu ya mbinguni, kwa kundi lisilohesabika la malaika,

Ufunuo 21:2 inaelezea jiji hili.

2 Kisha mimi, Yohana, nikaona mji mtakatifu, Yerusalemu Mpya, ukishuka kutoka mbinguni (ulioumbwa mbinguni, umedhihirishwa duniani) kutoka

kwa Mungu, umewekwa tayari kama bibi-arusi aliyepambwa kwa ajili ya mumewe.

Waefeso 4:11 inatuonyesha serikali yake.

11 Naye mwenyewe alitoa wengine kuwa mitume, wengine manabii, wainjilisti, na wengine wachungaji na waalimu,

Tunaporudi kwenye somo letu juu ya ngozi, na tuangalie Strongs Concordance kwa muda ili kuelewa vizuri zaidi kile ninachojaribu. onyesha watu wa Mungu kuhusu kumtambua adui, na kuamua tunashughulika naye.

Ngozi Kiebrania 1320 basar baw-sawr' kutoka 1319; nyama (kutoka kwa upya wake); kwa ugani, mwili, mtu; pia (kwa euphem.) puenda ya mtu:-- mwili, (mafuta, konda) nyama(-ed), jamaa, (mtu-) aina, + uchi, ubinafsi, ngozi.

Kabla Adamu na Hawa hawajaanguka kutoka kwa neema ya Mungu walijua tu mawazo ya Mungu, walikuwa na maarifa yake tu hivyo walikuwa na nuru, waangavu na wasione haya kwa Mungu kuwatazama. Walipoingia katika mawazo ya Shetani, hekima yake iliyopotoka, ngozi yao ikawa giza, macho yao hayakung'aa, nuru ya Neno la Mungu ilizimika na kubadilika na sasa waliona aibu kuonekana. Walijaribu kujifunika kwani waliona miili yao imebadilishwa. Kwa hekima mbaya iliyowaingia sasa walikuwa

wameandaliwa kikamilifu kwa ajili ya tamaa ya jicho, tamaa ya mwili kuingia pamoja na kiburi cha uzima, historia ya kizazi cha Adamu inatuambia hadithi iliyobaki. Inasikitisha sana!

Sasa na tuangalie mwili. Ona kwamba ni nambari sawa na ngozi, lakini inatuonyesha mahali ambapo maarifa yanaunganishwa.

Mwili Kiebrania 1319 basar baw-sar' mzizi wa awali; vizuri, kuwa mbichi, yaani kamili (ya kupendeza, (kwa mfano) mchangamfu); kutangaza (habari za furaha):--mjumbe, kuhubiri, kuchapisha, kutangaza, (kuzaa, kuleta, kubeba, kuhubiri, nzuri, kutangaza) habari njema.

Kwa hiyo wale waliofunikwa katika mwili wa Neno la Mungu hawafanani hata kidogo na jamii ya Adamu iliyofunikwa na maarifa ya Shetani! Je, unaweza kuona hilo? Yanaonekana kama maarifa yake, giza, yaliyopotoka na kusababisha ukandamizaji na huzuni kinyume cha ujuzi wa Mungu, safi, mchangamfu. Wale wanaotamani na kula ukweli wa Mungu kwa kweli wana sura tofauti kabisa.

Tukumbuke pia, kila aina iliumbwa kwa jinsi yake mwanzoni mwa uumbaji na Mungu akasema ni nzuri! Naam, Mungu ni Mungu yule yule.

Anawarejesha watoto Wake kwa aina Aliyokusudia wanadamu wawe kulingana na mapenzi na kusudi Lake, kwa mara nyingine tena kuwa katika

mfano Wake. Yeye ni Kweli, Nuru na tuisahau Upendo, lakini basi Upendo ni wa asili kwa wale wanaotembea katika Kweli na Nuru.

Kwa hivyo tunaweza kujiuliza, ninaonekanaje, nina sura ya nani? Kumbuka, ujuzi wa Mungu utaturudisha katika upatanisho wa Ufalme Wake ili tuweze kukusanywa katika Kristo Baba atakapoharibu ulimwengu huu! Ndani yake kuna usalama, makazi na amani. Kwa hivyo tujiulize, marafiki zangu ni akina nani, ahadi zangu ziko wapi? Je, tunaelewa hali yetu ya asili ni dhihirisho la kuona la sisi ni nani katika hali isiyo ya kawaida? Kwa hivyo tena, tunafanana na nani?

Kuelewa maarifa ya Mungu kwa undani zaidi, kuelewa sio juu ya maarifa ambayo tumesikia kidogo au hata maarifa tunayoweza kukariri, lakini ni yale tunayo "jua" na kuamini kabisa. Hii inamaanisha hakuna shaka, uaminifu rahisi tu. Unaweza kusema, kujua kwamba unajua kwamba unajua. Ni rhema ya kibinafsi, au kama msemu unavyoenda, nuru inakuja na unaelewa ghafla. Hivi ndivyo tunavyokuwa mwili mmoja na Neno! Yohana 6 inatuonyesha ufahamu bora zaidi.

Yohana 6:53-58

53 Kisha Yesu akawaambia, "Kweli nawaambia, **Msipokula mwili** (maarifa) **wa Mwana wa Adamu na kuinywa damu yake** (uzima wa Kristo umo katika damu yake na kwa njia hii, tunakuwa jamaa zake), **huna**

uzima ndani yako. (Hii ndiyo sababu Mungu aliwaonya Adamu na Hawa kwamba wangekufa ikiwa wangekula kutoka kwa hekima ya adui, hawatakuwa tena na mwili na damu ya Mungu, au kuwa katika sura yake!)

54 Yeyote akulaye mwili wangu (habari njema) na kuinywa damu yangu (uzima wake iko katika damu) anao uzima wa milele, nami nitamfufua siku ya mwisho.

55 Kwa maana mwili wangu ni chakula cha kweli, na damu yangu ni kinywaji cha kweli. (Kama maelezo yapembeni: Kumbuka jinsi Yeye, mwishoni mwa jaribu la msalabani, alivyokunywa divai chungu? Hii ilikuwa ni ishara ya damu ya Adamu iliyochanganywa na damu ya malaika. Aliipeleka kaburini pamoja Naye na kuiacha hapo. askari alimchoma ubavuni mwake maji ya uzima, mfano wa kweli na damu, divai mpya ilitolewa kwa ajili ya wote tunapoingia katika agano la damu!)

56 Yeye akulaye mwili wangu (hushiriki Neno) na kuinywa damu yangu anakaa ndani yangu (tunaishi kwa njia yake), nami ndani yake (anaishi kupitia sisi).

57 Kama vile Baba aliye hai alivyonituma, nami ninaishi kwa ajili ya Baba (hakuzaliwa tu na Baba, bali alifufuliwa kutoka kaburini naye), kadhalika naye anilaye ataishi kwa ajili yangu. (Ukweli inatuelekeza kwa kifo wakati wa ubatizo na kuzaliwa upya kwa njia ya kweli, Kristo Neno hutufanya kuwa aina mpya na tofauti na mwili mmoja pamoja naye).

58 Hiki ndicho mkate ulioshuka kutoka mbinguni, si kama mababu zenu walivyokula mana, na wakafa (mana haileti uzima). Yeyote akulaye mkate

huu (maarifa ya wakati huu, ambao ni mwili Wake, na Neno ni Mkate wa Uzima) ataishi milele.”

Yohana 6:48 inaeleza zaidi.

48 **Mimi** (Yesu) ni mkate wa uzima (maarifa, Neno).

Kwa hiyo, mkate unawakilisha mwili wa Neno ambaye ni Kristo. Hivi ndivyo tunavyokuwa wamoja Naye, sehemu yake na kwa mfano wake!

1 Wakorintho 10:17 inaweka hili wazi.

17 Kwa maana sisi, ingawa ni wengi (wote wapendao maarifa ya Mungu), ni mkate mmoja na mwili mmoja (mwili wa Kristo); kwa maana sisi sote twapokea sehemu ya mkate huo mmoja. (Ujuzi wa Mungu!)

Je, unakumbuka katika aya ya kwanza ya makala hii ilizungumzia umoja? Pia ilisema tukiwa wamoja kwa makusudi na nia hakuna kitu kitakachoweza kutuzuia au kuzuiwa kwetu! Naam, hivi ndivyo tutakavyofaulu, kurejeshwa, kuanza mwanzo wa dunia mpya, kwa kuwa mmoja ndani yake!

Uwe damu moja, uzima Wake usioharibika, usioweza kufa uko kwenye damu! Uwe mwili, ujuzi mmoja unaotengeneza ngozi isiyo ya kawaida, mtu asiye na mawaa ya ujuzi wa Shetani, mkunjo wa mgawanyiko au dosari. Tunakuwa wana wa Nuru kwa sababu Neno, maarifa ya Mungu ni nuru ya

mwanadamu!

Zaburi 119:130 inatuonyesha Mfalme Daudi alielewa.

130 Kufafanuliwa kwa maneno yako kwatia nuru; huwapa ufahamu wanyonge.

Yohana 1:4 Uzima wake (Neno) ni nuru yetu.

4 Ndani yake ndimo ulimokuwa uzima, nao ule uzima ulikuwa nuru ya watu.

Yohana 12:36

36 Wakati mnayo nuru (wakati ujuzi unatolewa, kutakuwa na mwisho wakati Baba atakapotosha kwa ulimwengu huu), iaminini nuru (iamini Neno), ili mpate kuwa wana wa nuru.” Yesu alisema hayo, akaenda zake, akajificha mbali nao. (Kuna ujumbe katika sentensi hii, je! umeuona?)

Matendo 17:28

28 Kwa maana ndani yake yeye tunaishi, tunajimudu, na kuwa na uhai wetu, kama vile baadhi ya washairi wenu walivyosema, “Kwa maana sisi pia ni uzao wake.’

Inamaanisha nini hasa kuwa uzao Wake? Kama vile Alivyokuwa na sehemu muhimu sana katika mpango ulioamuliwa tangu awali wa Baba kwa

wanadamu, ndivyo watoto Wake pia wanafanya!

Mungu anaipenda dunia na viumbe vyote vilivyomo. Ubinadamu ni sehemu ya uumbaji Wake. Kama vile kuna farasi, punda, pundamilia, wote ni sawa, lakini ni aina tatu tofauti za farasi. Ndivyo ilivyo kwa ubinadamu tangu anguko. Kuna Adamu, wale wote ambao hawajazaliwa mara ya pili. Kisha kuna wale ambao wamezaliwa mara ya pili, lakini hawajajazwa Roho. Bado kuna aina nyingine ya ubinadamu, wale ambao wamejazwa Roho, lakini hawakukuza upendo kwa ukweli hivyo hawakukua kiroho na kubadilika kuwa aina mpya. Kwa bahati nzuri kuna wale ambao wana njaa ya maarifa ya siku ya nane ya siku ya mwisho. Ni aina hii ambayo itarejeshwa kwa sura yake na kudhihirika kama watoto wa Mungu, aina mpya na tofauti. Unaona, itakuwa aina hii mpya ya viumbe, wale walio katika mfano wa Kristo ambao watachaguliwa kujenga dunia mpya. Ni mawe yaliyo hai ambayo Bwana anatumia kuijenga upya nyumba yake, Hema ya Daudi. Tunawaona wakitajwa katika Warumi 8.

Warumi 8:19-21

19 Maana viumbe vyote pia vinatazamia kwa hamu kufunuliwakwa wana wa Mungu.

20 Kwa maana viumbe vyote vilitiishwa chini ya ubatili, si kwa kupenda kwake, bali kwa ajili yake yeye aliyevitiisha katika tumaini;

21 kwa sababu viumbe vyenyewe navyo vitakombolewa kutoka katika

utumwa wauharibifu na kuingia katika uhuru wa utukufu wa watoto wa Mungu.

Mwishoni, kutoka katika mlima wa nyumba ya Bwana na mji wake uliotajwa hapo awali, sheria na maarifa vitaenea duniani kote. Kisha itawezekana kwa ubinadamu wote kurejeshwa katika upatanishi, kuwa wema Wake, kuungana katika ujuzi na madhumuni sawa ikiwa watakuza upendo kwa Ukweli.

Mwishowe viumbe vyote, mwanadamu, ardhi, wanyama, ndege, samaki, viumbe vitambaavyo vitapatana na kukusanywa ndani ya Kristo. Ni mapenzi, kusudi na mpango wa Mungu uliokusudiwa na ndivyo itakavyokuwa!

Tembelea tovuti yetu <http://www.trumpetsoftruth.com>